

BWEBWENATO KO ILO PACIFIC

ENNAAN EO AN ERIA BÜREEJTŌNJI

Im Ke Ej Jimmarok

Jān Elder Craig A. Cardon

Bwebwenato ko an Jerkakpeje eo an Rilomqor eo ilo Kallimur Ekāāl jān rijeje ro an gospel eo rekar aolep ijino kōn juon mejeje kōn jimmarok eo.

Matu: “Ke e jemlōk Jabōt, *im ej jino raantak* ilo raan moḳta ilo wiik, Meri Magdalini ekar itok . . . nān lo lōb eo.”¹

Mark: “Im *ke ej jimmarok* raan eo moḳta ilo wiik, rej itok nān lōb eo *ke ej tak aḷ*.”²

Luk: “A ilo raan eo moḳta ilo wiik, *ke e raantak*, rej ilōk nān lōb eo. . . .”³

Jon: “Ilo raan eo moḳta ilo wiik, Meri Magdalini *ke e jimmarok*, ej itok nān lōb eo. . . .”⁴

Mekarta jejet in iien eo me ekar waḷok menin, elukkuun alikkar jān bwebwenato kein ke kabwilōnlōn eo kōn jerkakpeje eo an Rilomqor eo ekar kapene ke imāantata in jibboñ in Ijtō eo kein kajuon nān ro otemej rekar iakwe E im rekar epaake E.



Elder Craig A. Cardon

Sister Cardon im nā kar karūttoḷok baamle eo amro ilo Gilbert, Arizona, USA. Gilbert ej pād enañin ejja geographic latitude an Jerusalem, ilo moḳttan ko an laḷ in. Mejejein bwe al ej “tak” ioon Gilbert ejja jibboñōñ eo wōt me ekar tak ioon Jerusalem, keidi nān time zone ko tokālik. An menin pād ilo kōlmenlōkjen eo am, iumwin roñoul iiō ko kōmij jokwe ilo Gilbert, Sister Cardon im nā kōm kijoñ jerkak jimmarok ilo jibboñ in Ijtō, “Ilo an marok wōt,” im kōm kar loe juon jikin ilo moḳwe imōm ak jikin ko jet ko me ekōmman an lukkuun alikkar am lale an wanlōntak meram in al. Ilo an ejejeḷok ainikien ekkeroro, kōmij lale im roñjake āinwōt nē laḷ in ipeḷaakid ebar jino emourur kōn meram in aḷ, ainikien ko jej roñjaki imejatoto. Aolep iien kōmij riiti jeje ko rekwojarjar bwebwenato ko kōn an Rilomqor eo waḷoklōk joñoul kōttan nān rikaḷoor ro An ilo Israel, ālkin jerkakpeje eo An. Iiō ko tokālik im kōmij jokwe ilo moḳttan ko jet ilo laḷ in, mekarta kōm kar jeḷā bwe an aḷ tak ej waḷok ilo iien ko roktak ilo elōn geographic latitude ko, kōmij kajjieoñ im jerkak ilo jimmarok in jibboñ in Ijtō nān lale an aḷ tak im kaḳoole an rujtok menin kōmanman kein ilo laḷ in, aolep iien jeje ko rekwojarjar rej pād ilo peim.

Ilo iien kein kajjojo ilo am riiti bwebwenato kein ilo Baibōḷ eo, im



*Jetōb eo an Irooj en
kaḳool nān koḳ
ilo season in Ijtō
in bwe Jisōs Kraist
ej ad Rilomqor,
Nejin Anij, im bwe
kōn E make jej
bōk kaḳool eo an
jerkakpeje eo im
kōjatdikdik kōn
mour in indeeo
ippān Jemād.*

barāinwōt ilo am etale kanaan ko ilo Bok in Mormon kōn iien in ekabwilōnlōn im aiboojoj, Jetōb eo an Irooj ej kaṃool ṅan jetōb ko am bwe Jisōs Kraist ej “leen eo kein kajuon ekar kiki;”⁵ bwe Ekar ilo ṃool “bōktok jerkakpeje an ro remej, āinwōt eo ṃoktata Eaar jerkak,”⁶ kaṃoole naan in kaṃool eo ad bwe jerkakpeje eo An ej juon kaṃool eo ekwojarjar bwe E ej Nejin Anij.

Kōnke jerkakpeje eo An, ilo kak-kobaba ṅan jeļā bwe Ekar anjō ioon mej in kanniōk kōn aolep ajri ro nejin Anij, jej barāinwōt jeļā bwe pinmuur eo An kōn jerawiwi ko an aolep ro otemjej rej kōjērbal tōmak ilo Etan, ukweļok, bōk kaiṅi ko an gospel eo An, im niknik ṅan jemļokin, innām renaaj anjō ioon mej in kanniōk im bōk kallimur ko kar kallimur kaki an mour indeeo.

Ilo ṃool, ilo Jerusalem, Ekar karuwaineneik rikaļoor ro An bwe ren jibwe im lo bwe “jetōb ejeļok

kanniōkin im diin, āinwōt komij lo Ippa”⁷ (anjō jān mej in kanniōk ṅan aolep), ke Ekar pād ilo Bountiful Ekar karuwaineneik armej ro bwe ren karumļok peir ilo katin, im bwe ren eṅjake jenkwān dila ko ilo Pein im Neen, “bwe komin maroṅ jeļā bwe ṅa ij Anij an Israel im Anij an aolepān laļ”⁸ (pinmuur jān mej in kanniōk ro otemjej rej ukweļok im rej tiljek).

Armej ro Rekwojarjar rejitōnbōro im ro ṃōttam ilo Pacific Eria, Jetōb eo an Irooj en kaṃool ṅan komi ilo season in Ijtō in bwe Jisōs Kraist ej ad Rilṃmṃor, Nejin Anij, im bwe kōn E make jej bōk kaṃool eo an jerkakpeje eo im kōjatdikdik kōn mour in indeeo ippān Jemād, ej aō jar ettā. ■

MENIN JIPAṅ KO

1. Matu 28:1, eoon eo eaorōk kar kobaiktok.
2. Mark 16:2, eoon eo eaorōk kar kobaiktok.
3. Luk 24:1, eoon eo eaorōk kar kobaiktok.
4. Jon 20:1, eoon eo eaorōk kar kobaiktok.
5. 1 Korint 15:20.
6. 2 Nipai 2:8.
7. Luk 24:39.
8. 3 Nipai 11:14.

BWEBWENATO KO ILO PACIFIC

Ritōl eo Eutiej an Armej ro Rekwojarjar ej Loļok Marshall Islands

Āinwōt ṃōttan loļok eo an ṅan Marshall Islands jemļokin iio in, Elder O. Vincent Haleck, būreejtōn eo an Pacific Eria jān Kabuṅ eo an Jisōs Kraist im Armej ro Rekwojarjar ilo

Raan-ko Āliktata, ekar kweilok ippān membōr ro an Kabuṅ in im mijenede ro, barāinwōt ritōl ro an kien im kabuṅ.

Elder Haleck kar mije tok kōrā eo pāleen Sister Peggy Haleck, Elder



(L–R) Būreejtōn John F. Larkin, Father Raymundo Sabio, Elder O. Vincent Haleck

Adolf J. Johansson Eria Jiljilimjuon-ṅoul eo eo ej jipaṅ ritōl ro an Kabuṅ ijin ilo Marshall Islands, im Būreejtōn John F. Larkin im Sister Robyn Larkin, ro rej tōl Marshall Islands Majuro Mission.

Ritōl ro an Kabuṅ in rekar kobaļok ippān Dr. Hilda Heine, Būreejtōn eo an Marshall Islands, ilo opij eo an ilo Majuro, eo ekar kōnono kōn unin kōnono ko raorōk an ṃakūtkūt ko rekaitotoklimo ekoba wāween kōka-joorļok baamle ko, im jipaṅ ko kiiō im tokalik kar jipaṅ loļok riMajōļ ro jān Kabuṅ in.

Ilubwiliin unin kōnono ko jet kar kōnono kaki ekar eddōkļok eo an Kabuṅ in. Ewōr kiiō ilōṅin loļok 9,000 membōr ro ilo Marshall Islands.

Elder Haleck ekar leļok ñan Büreejtōn Heine juon ekjab in Christus, im juon kape in Baamle Eo: Juon Naan in Kean ñan Laļ in emōj frame i.

Elder Haleck ekar barāinwōt kweilok ippān United State Ambassador eo Karen B. Stewart. Rekar kōnono kōn aorōk in anemkwoj in kabuñ ilo Marshall Islands, im peļaaikin wōden bwil in Pacific in.

Bürookraam in Mijenede eo an Kabuñ in kar kōllaajrake ļok ñan ambassador in. Ewōl ilōñ in ļok 70 citizen in United State ro rej jermal āinwōt mijenede ro, ipeļaaikin Marshall Islands, im Kiribati.

Büreejtōn Haleck ekar leļok ñan ambassador eo juon kape in Baamle Eo: Juon Naan in Kean ñan Laļ in eo emōj frame i.

Āinwōt mōttan wōt kijejeto an Elder Haleck ñan pukot ļok im ñamejlan bujen jemjerā ko ippān armej im ritōl ro an kabuñ ko jet, ekar barāinwōt kweilok ippān, im leļok juon menin leļok, ñan Father Raymundo Sabio, Prefect of the Catholic Church ilo Marshall Islands.

Unin kōnono ko raorōk kar kōnono kaki ilo kweilok in, rekar kōjparok anemkwoj in kabuñ, ewi wāween an baamle im mare ikōtaan juon emmāan im juon kōrā dilepen karōk eo an Anij ñan ajri ro Nejin, im kea kake ro rejeramōļ im riaikuj ro.

Father Ray ekar kwaļok an itok limo ilo juon kurub in rittōmak ro, ritōl ro an Armej ro Rekwojarjar ilo Raan-ko Āliktata rej pād ilo tōreen ejaak. ■



(L–R) Monique Nowicki, U.S. Ambassador Karen B. Stewart, Sister Peggy Haleck, Elder O. Vincent Haleck, Büreejtōn John F. Larkin



(L–R) Sister Peggy Haleck; Elder O. Vincent Haleck; Dr. Hilda Heine, Büreejtōn eo an Republic of the Marshall Islands; Mission Büreejtōn John F. Larkin; Sister Robyn Larkin; Elder Adolf J. Johansson

Stake eo Kein Karuo an Armej ro Rekwojarjar ilo Raan-ko Āliktata Ekar Ejaak ilo Marshall Islands

Kein karuo stake an Kabuñ eo an Jisōs Kraist im Armej ro Rekwojarjar ilo Raan-ko Āliktata ej kab ejaak ilo Marshall Islands ñan kobaiktok membōr ro rej jokwe ilo Kwajalein im Lae atolls.

Stake in ekāāl ñae etan Kwajalein Marshall Islands Stake im ej kobain ļalem kurub in jarlepju ko.

Elder O. Vincent Haleck, Jiljilimjuon-ñoul eo Eutiej an Kabuñ in im Būreejtōn eo an Pacific Eria an Kabuñ eo an Jisōs Kraist im Armej ro Rekwojarjar ilo Raan-ko Āliktata, ekar kōjjeļļā kōn stake in ekāāl ilo juon kweilōk eļap an

stake ijo membōr ro an Kabuñ eo rekar aiintok doon ie ñan kōketak ilo jetōb im ekkatak jān ritōl ro an Kabuñ in.

Ritōl ro an stake in ekāāl an Kwajalein Marshall Islands Stake ej Būreejtōn Johannes J. Seremai. Rikakpilōklōk ro An ilo stake būreejtōnji in ekāāl rej Būreejtōn Anjok Micheal, im Būreejtōn Stimpson Kejai.

Elder Haleck ekar kobaļōk ilo kweilōk in eļap an stake ippān Elder Adolf J. Johansson. Ekar barāinwōt mije jān Būreejtōn John L. Larkin im Sister Robyn Larkin ro rej tōl Marshall Islands Majuro Mission.



(L-R) Būreejtōn Anjok Michael, 1st Rikakpilōklōk; Būreejtōn Johannes J. Seremai, Stake Būreejtōn; Būreejtōn Stimpson Kejai, 2nd Rikakpilōklōk

Republic eo an Marshall Islands ej juon āne epaake equator ilo maļo in Pacific Ocean im ej mōttan wōt kurub in āne ko jān Micronesia. Kabuñ eo an Jisōs Kraist im Armej ro Rekwojarjar ilo Raan-ko Āliktata ekar mōktata ejaak ijin ilo 1977. Kiiō elōn ļōk jān 9,000 membōr ro an Kabuñ in ilo Marshall Islands, joñan in 11% in oran armej ro rej jokwe ie. ■



Elder O. Vincent Haleck, Sister Peggy Haleck, im Elder Adolf J. Johansson rej pija ippān stake būreejtōnji eo ekāāl im ritōl ro jet ilo Marshall Islands

Jeļa Bwe Jejjab Make laad

Jān Catherine Vaughan

Elukkuun pen nān kōmeļeļeiki wāween an iien ko rekabūromōj- mōj an mour ko am, maroñ barāin- wōt iien ko rekwojarjar.

Kabūromōjmōj kein me rej itok wōt jān am kar kalbwīn ruo iaan ajri ro nejūm, eļaptata komaroñ eō nān ejaake im kōļapļok leke ilo Jemedwōj Ilañ im Jisōs Kraist, im nān lukkuun bōk pinmuur eo an Rilomqor eo nān kōmour eñtaan eo am.

Ilo 1998, mōñōñō eo am, eobrak kōn jetōb leddik eo nejūm 21 an allōñ ekar maļoñ. Iumwīn allōñ kein reppen tokālik, baamle eo am ekar lukkuun eñtaan, im bōro ko būruwōm remetak rekar kaenōmman jān baamle, ro mōt- tam, im ro otemjej ilo jukjukin pād eo ipeļaaķūm, ro rej lukkuun mour kōn katak ko an Alma eo ekar rōjañ rikwo- jarjar ro nān “. . . mōñōñō nān ineenk eddo ko an ro jet, bwe ren maroñ mera; . . . jañ ippān ro rej jañ; aadet, im kaenōmman ro rej pād ilo aikuj in aenōmman . . .” (Mosaia 18:8–9).

Juon raan, ruo iiō ālkin am kar luuji leddik eo nejūm ediktata Brittany, ikar jaje ikar likūt ia cell phone eo nejū. Ikar kile bwe epād wōt ilo mweo, im ikar kappukot e ilo aolep jikin, ak ikar jab maroñ loe. Ālkin juon wiik, ikar jeke ippa bwe in kūrļok taļboon kompani eo im lale nē remaroñ in lale nē elōñ en enaņin kōjerbale, lale nē elōñ armej en ekar loe ijoko jet. Ikar

Objectives

- 1 Honour the Sabbath Day at Home and at Church
- 2 Increase Spiritual and Temporal Self-Reliance
- 3 Hasten the Work of Salvation

Goals

- Make the Sabbath a delight
- Make the sacrament a
- Increase sacrament
- Pay a full tithe
- Seek learning
- Complete
- Increase baptisms and reverts
- Increase Aar
- Make “The P



**Kōļapļok tōmak im leke ilo
Jemedwōj Ilañ im ilo Jisōs Kraist
im Pinmuur eo An**

maroñ kōnono ippān juon operator ilo Wellington, juon bukwōn ettoļok jān ijo ij jokwe ie. Ikar kōmeļeļeik jekjek eo ipād ie, im ikar kajjitōk nē ewōr en ekar kōjerbale taļboon eo nejū. Kōrā in ikar kōnono ippān ekar kwaļok ke ej jaņin wōr juon armej enaņin kōjerbale jān tōre eo ekar jako, im kōm kar kōjem- ļoke amro kōņaan ke taļboon eo emar- oñ pād wōt ilo mweo imō. Ilo iien eo kōm kar bwebwenato, liin ekar kajjitōk ippa nē elōñ nejūm ajri, im ekar ba bwe juon ier emaroñ bōle doore iumwīn kawij ko ak wiiljea ko. Ikar uwaake ke ewōr jiljilimjuon nejūm ajri, im liin ekar kajjitōk jete aer iiō. Ke ij kōlaajrak iiō ko aer jān rūttotata nān diktata, ikar maķoko in ba bwe ajri eo ediktata nejūm enaaj kar emān an iiō rainin, ak ekar mej ruo iiō mōktaļok. Ekar ejjeļok ainikien kōnono iumwīn jidik iien ilo taļboon eo, innām liin ekar uwaak, “Jouj im bwebwenato kake tok nān nā”.

Ikar kwaļok ilo tukaduīn wāween an kar Brittany kar maļoñ, im ikar roñ

juon ainikien mōtato ilo taļboon eo, innām ikar roñ ainikien jañ. Innām operator eo ekar jiroñ tok eō bwe ļaddik eo nejīn ruo an iiō ekar barāin- wōt maļoñ jejo iiō remootļok. Ekar jōbwābwe ilo juon baak, im kar wōt- ļok, jok ioon juon roñ ekar ibwijleplep kōn dān in wōt. Ekar ļōtļok ke bōran ekar jok ioon laļ im kar maļoñ ilo dān eo juon inij utiejān. Raan in kōm kar kōnono ekar raan eo mōkta jān raan in mej eo an, im ekar jab emman an pād, im ekar eņjake an ajimakeke.

Kōm kar kōnono bar 45 minit kōn an ajri ro nejūm aiboojoj, im wāween an kar jelet baamle ko am. Ruo ruwai- mājet ro, jān bukwōn ko roktak, kōn mour ko roktak, ak jimor maņa ro būruweer remetak, liajļō eļap kōn jako eo an ajri ro nejier. Kōmro jimor kar jañ. Kōmro jimor kar kaenōmman doon kōn naan in kaenōmman. Im kōmro jimor kar ettōñ ippān doon ilo jekjek ko am rekabūromōjmōj rāin- wōt juon im bwebwe. Kōm kar jimor

kar jab tōprak ilo amro kar kajjjeon̄ kōrōq̄ltok ajri ro nejim jān mej, im wōr ippāer ejja kajjitōk ko wōt im inepata ko, im lōm̄n̄ak eļāñne enaaj kar oktak- lōk ta eo kōm̄ ar kōm̄mane, enaaj kar kōm̄mane juon oktak.

Ilo jem̄lōkin bwebwenato eo ilo talboon kōm̄ro kar m̄ōñōñō bwe kōm̄ro kar kōnono, im kōkajoor doon. Jān aolep talboon operator ko ilo āne in—Ikar maroñ kōnono ippān juon armej eo ekar aikuj in roñjake bwebwenato eo aō, im kwaļok an būrom̄ōj. Kōm̄ kar jim̄or jeraam̄man jān eñjake in.

Ilo juon laļ ijo me kōm̄ro kar baj wōnmaanlōk wōt kajjojo raan ko am, Anij ejeļā kōn metak ko amro kōm̄ro ej ineeiki ippām, im Ej ūñūr kōm̄ jim̄or kōn juon kabwilōñlōñ.

Ikar loe talboon eo aō raan eo juon, ijo me ikar kappukot e mōkta, ak ikar jeļā bwe ekar jab jide bwe in kar jab loe mōktaļok, im āinwōt juon uwaak call eo aō ekar tōpare juon armej me būruwōn ekar metak, im ekar aikuj in kōnono ippān bar juon m̄ama eo me emeļeļe.

Im ilo jermal in kaenōm̄man im jipañ riwamejet eo ilo talboon eo—Ña barāinwōt ekar kajoorlōk, im bōk kaenōm̄man. Ejjab baj jān naan ko an kōrā eo, im naan in rōjañ ko, ak jān jeļāļok- jeñ eo bwe Jemedwōj Ilañ ejeļā kajjeed kajjojo. Ej kile aikuj ko ad, im kōñaan ko an būruwōd. Ikar katak ilo iien ko remarok an mour eo aō ke, ijjab make iaaō. Imaroñ leke Jemedwōj Ilañ im Jisōs Kraist ke renaaj pād ijeñ ippa ilo aolep buñtōn ko aō. ■


Meļeļe ko Rekāāl an Kabuñ in “Mormon and Gay” Website

“Mekarta iijañin meļeļe men Motemjej, ijeļā bwe ijjab aikuj in. Men eo de eo ij kajjitōk ñan kōm̄mane ej iakwe āinwōt Anij enaaj iakwe.”

Ennaan in, im bar elōñ ennaan ko jet āinwōt in, ej koba ilo juon version eo ekāāl an “Mormon and Gay,” juon website jān Kabuñ eo an Jisōs Kraist im Armej ro Rekwojarjar ilo Raan-ko Āliktata. Site in ej kapen mool in, ilo

naan ko an juon eoon an Mormon, Anij “ekar iakwe ajri ro nejin” (1 Nipai 11:17), im kappukot ñan jipañ bwe aolep ren meļeļeļok kōn same-sex attraction jān kōlmenlōkjen ko jān gospel.

Version eo kein kajuon an website in ekar waļok ilo online ilo Tijemba 2012 ium̄win taitōļ eo “Mormon and Gays.” Taitōļ in ekāāl, “Mormon and



Gay,” ej letok mool in bwe juon armej ejjab aikuj in kålet kōtaan kadkad in armej rein ruo—juon emaroñ, ilo mool erom kajpila im mour tiljek ñan katak ko an Kraist.

Bwebwenato ko An Juon Make im Ennaan ko Jān Ritōl ro an Kabuñ in

Mormonandgay.Ids.org ej kwa-ļok ļalem bwebwenato an juon make jān ruo kōļmenļokjeñ ko—ekoba ro rej eñjake kareel kōn same-sex attraction, barāinwōt baamļe ko aer, ro mōttāer im ritōl ro an Kabuñ in. Kajjo-jo bwebwenato āinjuon im kōmettak im ļap kōjatdikdik ie, kalimjek mwil ko im mool ko rejalikkar me ñe eñjake kōn same-sex attraction ak jeļā bwe ewōr juon ej āinwōt in.

Website eo ej “juon jikin ijo me armej ro me mour ko aer rejeleti jān kareel an armej ro nememeir wōt juon maroñ lo inwe ñan jermal jān apañ ko reppen ilo aer tiljek wōt ñan katak ko an Kabuñ in,” Elder D. Todd Christofferson jān Douluul eo an Joñoulu ruo ro ekar ba. Site in “ejjab letok juon kōmeļeļe eo emeļeļe kōn men otemej rejelet kōñaan an same-sex attraction,” ej kakobaba, “ak ej waļok ilo eñjake ko an ritōl ro an Kabuñ in āinwōt wāween ad aikuj kōmļman ñan doon āinwōt mōttan wōt armej āinwōt juon baamļe.”

Ilo kakkobaba ñan rikōnono eo jinointata, site in ekāal ekoba naan in rōjañ ko jān Elder L. Whitney Clayton jān Būreejtōnji eo an Jiljilimjuonñou eo. Ekar kōnono kajju ñan Armej ro Rekwojarjar ilo Raan-ko Āliktata

“Jekōñaan bwe kwon jeļā bwe kōmļij iakwe eok. Kwelukkuun ruwainene. Jekōñaan bwe kwon mōttan jarlepju ko am. Ewōr kapāal ko reļļap ippamļ im maroñ ko ñan liļok ñan aelōñ in kiiñ eo an Anij ioon laļ in, im jej kile elōñ jipañ ko raorōk kwoj kōmļmani.”

armej ro rej eñjake ejja kain kareel in an same-sex attraction ak kalikkar er āinwōt kajpila ro, ak kōrā ro rej pālele kōrā ak armej ro nememeir kōrā ak emļmaan jimor, Elder Clayton ej ba, “Jekōñaan bwe kwon jeļā bwe kōmļij iakwe eok. Kwelukkuun ruwainene. Jekōñaan bwe kwon mōttan jarlepju ko am. Ewōr kapāal ko reļļap ippamļ im maroñ ko ñan liļok ñan aelōñ in kiiñ eo an Anij ioon laļ in, im jej kile elōñ jipañ ko raorōk kwoj kōmļmani.”

Ta eo Kabuñ in ej Tōmak e kōn Same-Sex Attraction

Riloļok ro ñan website in remaroñ lo laajrak in tōmak ko an Mormon kōn same-sex attraction im meļeļe ko, unin kōnono ko im naan ko ñan jipañ Armej ro Rekwojarjar ilo Raan-ko Āliktata rej bōk koñauer ilo kōnono ko remwilal kōn unin kōnono in.

Tōmak ko ekoba laajrak kein:

- Jej aikuj iakwe aolep.
- Eñjake ko kōn kareel an same-sex attraction ejjab juon jerawiwi, im jemaroñ kålet wāween ad uwaak.
- Armej ro rej mour kōn kakien ko an Anij rej lukkuun bōk koñauer ilo Kabuñ eo an Jisōs Kraist im Armej ro Rekwojarjar ilo Raan-ko Āliktata.

Jekjōn in tōmak eo ebarāinwōt kitbuuj meļeļe ko kōn karōk eo an Anij, joñan ļap in Kraist ñan ukōt bōro ko, im kadkad eo an indeeo āinwōt ajri ro nejin Anij.

Bōk koñaad ilo Kōnono ko Remwilal Kōn Same-Sex Attraction

Mweñan ko jet an website in ekitbuuj emakijkij in kajjitōk ko kajjitōk kaki, kōmeļeļe ko kōn katak ko kōn sexual orientation, jipañ ko ñan ro jinen im jemān, tōl ñan uwaak kōn aer in kōmālij ak kilaba, im meļeļe ko kōn bōbrae eok make im aikuj eo ñan an ruo armej iakwe doon.

Juon kajjitōk ej kwaļok wāween kōjermal naan eo “same-sex attraction” ijelōkin “kajpila.” Site in ej kwaļok “same-sex attraction ej juon naan ej kōmeļeļeik ijelōkin kwaļok juon ļābōļ. Ritōl ro an Kabuñ rej kōjermal naan in ñan kōnono kōn armej ro rej inemļman ilo kōjerbale juon ļābōļ, joļok naan eo kajpila, pālele an ruo kōrā, ak juon armej nememein ej kōrā ak emļmaan jimor. ■

Kōnono: Kajjitōk im Roņjake

Jān Jipañ ko an LDS Baamle

Aorōk eo kōn ruo wāween Kōnono ko ippān Jemedwōj Ilañ elukkuun aorōk ñan jetōb im ūññare peid make. Jej aikuji kajjitōk kōn jipañ jān Jemedwōj Ilañ eo ej roņjake jar ko an ajri ro Nejin ioon laļ in. Kōj aolep rej aikuji jipañ eo jān lañ im jān ro jet, ñan ad tōprak ilo itok itak in ad ilo mour in.

Ejaake kōnono eo emḡman im kapāāl in kōnono eļapļok an antoone tok mōñōñō, tōprak in ekkatak im jermal, ājmour, wāween kōļmenļokjeņ eo ad make, im ej kakūrḡool jemjerā ko. Kōnono im kapāāl in kōnono ekitbuuj: kōmḡman ekōnono ko; roņjake im kwaļok; ḡamejlan jorrāān ko; jipañ ko rejelet eņjake; leke eo ad; im kapāāl ko jet. Jisōs ekar katakin bwe kakūrḡool eo eļap enaaj itok jān ad luuji kōj make ilo ad jermal ñan ro jet. Ak ñan jipañ ro jet, mōktata ej aikuji juon maroñ ñan ekkejel ļok ippān ro jet.

Elder Russell M. Nelson ekar kwaļok aorōk in roņjake, “Jetōb eo amḡ enaaj jeraamḡman ilo amḡ ekkatak ñan roņjake, innām roņjake ñan ekkatak, jān ajri ro nejūm, ro jinem im jemōm, ro mōttam, ro riturim, im ritōl ro an Kabuñ, aolep renaaj kōļapļok joñak ko ñan roņjake kapi-lōk jān lañ.”

Wājabdik ilo roņjake ej juon iaan ḡakūtḡūt ko diktata kōmḡmani im

ekar ejaak kapāāl in jemjerāiki ro jet. Roņjake eļapļok jān kapāāl. Ej aikuji juon ḡwil eo eitok limo im ikdeelel ñan meļeļe meñe jemaroñ jab kōḡaan ak errā kake ta eo jej roņjake. Jej aikuji in roņjake ñan lo laļ in jān kōļmenļokjeņ ko an juon armej ej roņjake.

Būreejtōn Spencer W. Kimball (1895–1985) ekar katakin ritōl ro aorōk in roņjake ñan meļeļe, “Jisōs ekar lo bwe jerawiwi āinwōt bōd ak

. . . Ekar maroñ loe bwe jerawiwi ej emḡmakūt mōkaj jān ḡwilaļ im aikuji ko rekar jab tōprak ippān rijerawiwi eo. Menin ej kōmālim an kōkkure jerawiwi eo, ijelōkin an kōkkure kajjo . . .

Jej aikuji in maroñ reilok bulōn mour ko an ro jet bwe jen maroñ loe wāween ko rej kōmḡman aer likjab ak bōd. Ñan bōk meļeļe eo emḡwilaļ ļok wājabdik roņjake ej menin aikuji. ■

